

DISSERTATIO MEDICA,
INAUGURALIS,
DE
LAVATIONE FRIGIDA.

QUAM,
ANNUENTE SUMMO NUMINE,
Ex Auctoritate Reverendi admodum Viri,
GULIELMI ROBERTSON, S. S. T. P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORIS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subijcit
A D A M K U H N.
PENSYLVANIENSIS.

Ad diem 12 Junii, hora locoque solitis.

EDINBURGI:
Apud BALFOUR, AULD, et SMELLIE,
Academiae Typographos.

M,DCC,LXVII

DISSEMINATION OF THE DISEASE

IN THE UNITED STATES

AND IN THE WEST INDIES

AND IN THE EAST INDIES

AND IN THE SOUTH SEAS

AND IN THE NORTH PACIFIC

AND IN THE SOUTH PACIFIC

AND IN THE NORTH ATLANTIC

AND IN THE SOUTH ATLANTIC

AND IN THE NORTH INDIAN OCEAN

AND IN THE SOUTH INDIAN OCEAN

AND IN THE NORTH PACIFIC OCEAN

AND IN THE SOUTH PACIFIC OCEAN

AND IN THE NORTH ATLANTIC OCEAN

AND IN THE SOUTH ATLANTIC OCEAN

AND IN THE NORTH INDIAN OCEAN

AND IN THE SOUTH INDIAN OCEAN

AND IN THE NORTH PACIFIC OCEAN

AND IN THE SOUTH PACIFIC OCEAN

AND IN THE NORTH ATLANTIC OCEAN

AND IN THE SOUTH ATLANTIC OCEAN

PATRIAE SUAE DECORI,
VIRO ILLUSTRISSIMO
CAROLO A LINNE,
EQU. AUR. DE STELLA POLARI,
ARCHIATRO REGIO,
MED. ET BOTAN. PROFESS. UPSAL.
ACAD. PARISIN. PETROPOL. BEROL. IMPERIAL.
BERNENS. LONDINEN. EDINBURG.
MONSP. TOLOS. FLOR. HOLM. UPSAL.
SOCIO DIGNISSIMO,
HISTORIAE NATURAE PRINCIPI,
PRAECEPTORI SUO OLIM HONORATISSIMO,
NUNQUAM AUTEM NON COLENDO;
OB OPTIMA IN STUDIIS REGENDIS CONSILIA,
ET ALIA INNUMERA IN SE COLLATA BENEFICIA,
ITA UT PRO ALTERO SIBI PARENTE FUERIT,
DISSERTATIONEM HANC,
GRATI ANIMI TESSERAM,
SACRAM VOLUIT
A D A M K U H N.

P R O P H E T A M I N T E R V O L U N T

G O D I N T E R V O L U N T

P O R T R A I T O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

A N D O F T H E P R O P H E T

PRÆTER egregii LINNEI voluntatem, cui semper obtemperavi, semper obtemperaturus sum, duabus rationibus, quare disputationi meae hanc epistolam praeponerem, adductus sum; altera, ut mei, amicitia summi viri me et usum et usurum deinceps esse, viderent, quae quidem res mihi non gloriae esse non potest; altera, neque ea minima, ut cives mei viderent, quanti vir optimus patriam nostram faciat, quam tot animalibus plantisque pulcherrimis et utilissimis maximus ille rerum Opifex ornavit. Licet autem, quoties mihi in animum venit amoris et voluntatis praestantissimi adversus me viri, summa voluptate afficiar, gaudio summo perfundar; tamen arrogans et impudicus forem, nisi laudes, quibus me extulit, magis ex rara ejus amicitia et ardente animi bonitate oriri, quam meis deberi meritis, faterer.

VIRO CLARISSIMO

D. ADAM KUHNIO,

AMICO SUO DILECTISSIMO,

S.

CAR. A LINNE

EQU. AUR.

EX literis intellexi, te brevi eruditionis tuae primum editurum specimen, de *vi et effectū aquarum frigidarum in corpus humanum*. Hinc non potui non de hocce opusculo tibi animitus gratulari, cum, quaecunque tibi fausta et felicia contingant, mihi ipsi tanquam propria reputabo semper. Tua apud nos memoria perennis durat: Ab eo enim tempore, quo e felici tua Pensylvania solvisti, Upsaliamque nostram attigisti, te semper ut filium charissimum profecutus sum, ob mores tuos antiquos et suavissimos, quibus e peregrinis nullus te superavit; ob diligentiam indefessam, qua nullus ardentior

tior scientias coluit; ob sinceram tuam
 amicitiam, qua nullus tui par existit.
 Nihil itaque amplius mihi in votis erit,
 quam quod, brevi tuis redditus, felicissi-
 mus diutissime floreas, et patriae tuae
 stupendas gazas legas, quo sperare licet
 me tuis oculis visurum regionem pulcher-
 rimam, abundantem tot raris Mammali-
 bus, Avibus, Amphibiis, Piscibus, Insec-
 tis, &c. quot vix ac ne vix terra alia ul-
 la. Videor enim me videre te exspatian-
 tem in lucis tuis inter Liriodendra, Mag-
 nolias, Annonas, Cephalanthos, Chio-
 nanthos, Aceres, Quercus, Hamameles,
 Zanthoxyla, interstinctas Liquidambaris,
 Lauris, Sassafras, Crataegis, Spiraeis,
 Kalmiis, Corno florida, Rhoibus, Vibur-
 nis, Itea, Galace, Lecheis, Clethra, Hy-
 drangea, Moscheuto Hibisci, Smilacibus,
 Bignoniis; in quibus terra strata et disse-
 minata Helianthis, Rudbeckiis, Solida-
 ginibus, Asteribus, Eupatoriis, Kuhnia
 tua, Hedifaris, Hudsonia, Asclepiadibus,
 Oenotheris, Lobelia Cardinali, Phlogi-
 bus, Gentianis, Monardis, Ellisia, Housto-
 nia,

nia, Mitchella, Gualtera, Epigea, Andromedis, Vacciniis, Panace, Dodecatheo, Arethufis, Orchidibus, Trilliis, Lilio Canadensi, Sanguinaria, Podophyllis, Hydrastide, Sarraceniis, Eriocauli, &c.; dum Trochili, motitantes auratas alas, hauriunt nectara Chelonis; et Turdi polyglotti, et Orphei resonant millenis concentibus inter turbas vocalium avium e summitatibus arborum. Sed paradisi tui delicias enumerare, nedum enarrare, vix sufficeret annus. Ultimo oro, quod, dum redux oculis tuis pascaris florum tuorum voluptatibus, mei memor vivas!

Dabam Upsaliae,

1767. Febr. 20.

DISSERTATIO MEDICA

DE

LAVATIONE FRIGIDA.

CUM hujus Academiae leges postulent, ut qui ad lauream medicam viam affectent, prius in lucem aliquid ingenii exemplum edant, quam honorem illum adipiscantur; ideo ego quoque, tali scribendi necessitate obiecta, Lavationem Frigidam, remedium antiquitate et utilitate imprimis nobile, quippe quod omni aevo, et in omni natione, interdum religionis, saepius roboris et sanitatis causa, adhibitum sit, tractandum existimavi.

FRIGIDA vero lavatione antiquissimos homines, ab ipso orbe forsan condito, usos esse, auctoribus HOMERO et Sacrarum Literarum scriptoribus est discendum. Quin et infantes recens natos in aquam frigidam immittere, apud veteres Italos

A

mos

2 DE LAVATIONE FRIGIDA.

mos fuerit, hi versus VIRGILIANI ostendunt.

Durum a stirpe genus : natos ad flumina primum
Deferimus, saevaue gelu duramus et undis.

Eandem apud vetustos Germanos invaluisse consuetudinem, ex his CLAUDIANI verbis videmus :

Nascentes explorat gurgite Rhenus.

ET Fennones adhuc avorum morem retinent, ut hyeme se, prius in hypocautis calefactos, nudos in nives immittant, et tota corpora, quo duriora reddantur, nivibus obruant.

SED haec ad robur corporum sanorum vel experiendum vel confirmandum, pertinebant. Eandem autem in remedium adversus morbos convertisse, a balneo distinctuisse, et alia discrimina marinas aquas inter et dulces statuuisse, HIPPOCRATES primus videtur.

ROMANI, qui a Graecis non modo mores et leges, sed et medicinam acceperunt,
lavationis

DE LAVATIONE FRIGIDA. 3

lavationis frigidae usum minime ignorarunt. Quae tamen, tum maxime Romae pervulgata est, cum ANTONIUS MUSA, medicorum Romanorum eo tempore princeps, AUGUSTUM Imperatorem, aliis auxiliis et balneo frustra tentatis, hac a longo morbo ad sanitatem perduxisset. Ob quod ille meritum annulo aureo et equestri dignitate honestatus, a senatu populoque Romano pecuniis locupletatus, praeter alia privilegia sibi statuum, medicis omnibus a tributis immunitatem impetravit. Quo factum est, ut balneum, cuius usus omnibus fuerat communis, ab omnibus sit desertum, quod HORATIUS his versibus ad VALAM scriptis testatur:

Quae sit hiems VELIAE, quod coelum, VALA, Salerni;
Quorum hominum regio, et qualis via (nam mihi Baias
MUSA supervacuas ANTONIUS, et tamen illis

Me facit invisum, gelida cum perluor unda
Per medium frigus: sane myrteta relinqui,
Dictaque cessantem nervis elidere morbum
Sulphura contemni, vicus gemit, invidus aegris,
Qui caput et stomachum supponere fontibus audent
Clusini; Gabiosque petunt, et frigida rura.
Mutandus locus est, et diversoria nota

Praeteragendus equus. —

PORRO,

4 DE LAVATIONE FRIGIDA.

PORRO, lavationem frigidam ARETAEUS, STRABO, et CORNELIUS CELSUS multis laudibus extulerunt. Quam tamen nemo Romanorum medicorum amplius quam CHARMIS usus est. Is, obtinente rerum imperium NERONE, Romae floruit. De quo PLINIUS, "Hi regerant fata," inquit, "cum repente civitatem CHARMIS ex Massilia invasit, damnis natis non solum prioribus medicis, sed et balneis: frigidaque etiam hibernis algoribus lavari persuasit. Merfit aegros in lacus: videbamus senes consulares usque in ostentationem rigentes."

ET SENECA, senatoriae dignitatis vir, de sua hujus rei consuetudine haec verba habet: "Sed memor artificii me veteris, mitto me in mare, quomodo psychrolutam decet, gausapatus."

INFINITUS labor foret omnium, qui de lavatione frigida scripserint, nomina percurrere. Satis igitur esto dixisse, universos fere antiquos scriptores, atque ex recentioribus gravissimum quemque virum, plenissime et fusissime de utilitate
ejus

DE LAVATIONE FRIGIDA. 3

ejus egisse, et in plurimis morbis curandis feliciter adhibuisse. De quibus quoniam satis ad rei necessitatem dixi, ad propositum revertar.

Ejus autem ratio triplex est: Ut primum, quis aquarum delectus sit habendus, quoque modo et quamdiu utendae: Deinde, qua ratione frigus aquae corpus afficiat, attingam: Postremo, quibus in morbis vel profit vel obfit, exponam.

PRAECIPUA aquarum vis in solo frigore posita est. Nostri aquae marinae dulcem postponunt; cujus rei ratio me fugit, nisi quod salium stimulus quodam forsan calore summum corpus afficere videatur. Hoc confirmatur exemplo quod nuperrime a Cl. D. D. HOPE habui: Observavit enim, cutem infantis per aliquod tempus aqua marina lavati gustui omnino falsam apparuisse. Aqua dulcis vero marinam frigore plerumque excedit; ut quoties solo frigore opus erit, illa huic sit anteponenda.

DUPLICI

6 DE LAVATIONE FRIGIDA.

DUPplici modo ad corpus adducitur; namque vel homo in illam demittitur, vel ex alto cadenti submittitur. Neque hi modi multum inter se differunt; praeterquam quod vim percutientem ex alto cadentis aut augere aut minuere possumus; nec non majorem vel frigoris vel caloris gradum illi conciliare.

CUTIS cum universo corpore ita consentit, ut siue ea bene siue male afficitur, affectum ad reliquas omnes partes perferat. Corpus hominis in aquam gelidam subito immissum, ingrato more afficitur; vasa in summo eo contrahuntur, et sanguis ad interiora pellitur. Hinc exteriora corporis exsanguia et pallida fiunt; homo difficillime et profunde spirat; sanguis cor et arterias stimulat, et toto corpore citatior circumfertur. Quo fit, ut frigus et rigor, quem aquae frigidae vis fecerat, excipiant calor; pulsus plenus et citatus; animos serenos et hilares reddat; et, si satis diuturnus usus hujus remedii fuerit, firmentur muscoli et durentur, omnia corporis officia melius perficiantur; atque

DE LAVATIONE FRIGIDA. 7

atque homines frigore et malis a subitis tempestatis mutationibus oriri solitis minus opportuni reddantur. Si vero diutius justo homo in aqua permanferit, natura spasmus inde natum superare nequibit. Scire vero licet, eam lavationis moram non esse inutilem, si protinus post eam calore et rubore corpus suffunditur.

JAMQUE explicandum est qua ratione frigus aquae corpus afficiat; quod, ut rectius fiat, quaedam etiam de corporis nostri natura sunt dicenda.

CORPUS humanum in tres partes a pathologis dividitur: Solida simplicia, fluida, et solida viva. In ea ergo, vel aliqua eorum, ut agat frigida lavatio, necesse est.

I. DE aquae frigidae actione in solida simplicia. Plurimi credunt aquam frigidam in corpora animalium eadem agere ratione, qua frigus corpora inanimata afficit, scilicet constringendo, et sic augendo, firmitatem fibrarum simplicium. Sed frigus extrinsecus adplicatum vix ad internas pervenit partes, quae utique calorem

8 DE LAVATIONE FRIGIDA.

rem suum naturalem retinent, quamvis summa cutis forsan aliquantum constringitur.

2. QUOD ad humores attinent, frigus eos non aliter afficit, quam quatenus in summi corporis vasa agat, ea constringendo. Idque eorum sensibilitati et irritabilitati adscribi debet; ideoque in solida viva frigida aqua agere putanda est.

QUOMMODO vero in solida viva agat, explicare jam tentabimus. Quod si minus ad sententiam facere potuero, lectorem candidum tamen, has juventutis primitias, bona parte accepturum spero.

UT functiones animales rite peragantur, tensio sufficiens vel tonus partium necessario requiritur; nimia enim laxitas, vel nimia rigiditas, aequae nocent. Antequam frigidae lavationis actionem in solida viva ostendere pergam, hanc tensionem paucis attingam, et per eam aliqua phaenomena corporis nostri solvere conabor.

IN systemate musculari omnes fibrae pondere partium, musculis oppositis, qui
vulgo

vulgo antagonistae vocantur, et partibus quas circumdant, tensae servantur. Plenitudo vasorum sanguiferorum etiam ad hanc tensionem muscutorum facit; videmus enim a largis haemorrhagiis, quibus vasa evacuantur, muscutorum oriri laxitatem. Igitur systema musculare non solum per se tensum est, sed et vasis sanguiferis tensionem suam debet.

SYSTEMATI vasculari etiam tensio est; et arteriae, non modo in systole, sed etiam in diastole cordis tensae inveniuntur; nam postquam cordis actio cessat, arteriae satis multum, ut sanguinem propellant, contrahuntur. Ex hac tensione varii venae sectionis effectus facilius, quam e revulsionis et derivationis doctrina, sunt explicandi; palam enim est, e minima huius tensionis mutatione, conspicuos effectus in corpore nostro edi debere.

SED neque vis extendens fibrarum, nec distendens systematis sanguiferi, ad rationem tensionis corporis nostri reddendam sufficit. Insuper, addere debemus vim contractilem insitam, quae partim

10 DE LAVATIONE FRIGIDA.

elasticitati fibrarum, praecipue vero nervosi cujusdam fluidi influxioni, referenda est.

Vis haec tantum in corpore vivo obtinet, et cum vita perit, quemadmodum influxio fluidi hujus, ita etiam tensio, se habet; variat vero quamplurimum haec primaria tensionis causa. Itaque de viribus extendentibus, distendentibus, et vi illa tonica corporis, tensio pendet.

SUNT tamen partes quaedam corporis ubi vis extendens fibrarum minime obtinet, saltem longe alio modo, quam in caeteris partibus, se habet: Exemplum in ventriculo et tubo intestinali habemus; hic antagonistam vel aequilibrium non habet. Tensio ejus itaque, praecipue vi tonicae, partim etiam distentioni vasorum sanguinis, tribuenda est. Ideoque magis quoque, quam ulla alia corporis nostri pars, variationi obnoxius est. Status tensionis canalis alimentaris nexum cum variis reliqui systematis modis tensionis habet. Itaque, si ventriculus stimulum aliquem certa hora sumere assuevit, qui
tonum

DE LAVATIONE FRIGIDA. II

tonum ejus auget, eo stimulo negato, relaxatur, et haec relaxatio cum toto systemate communicatur: Exempli gratia, si aliquis haustum spiritus vini certo tempore assumere usus est, redeunte illo tempore, debilitatem toto corpore sentit. Palpitatio cordis systema sanguiferum affici ostendit; et musculorum tremor eos pariter affectos indicat. Assumpto vero stimulo, omnia haec symptomata evanescunt, et tensio systemati restituitur. Debilitas haec vel tensionis absentia etiam inedia inducitur.

PARI modo, si canalis alimentaris parva aëris quantitate distenditur, totum corpus quam maxime afficitur; expulso vero aëre, iterum ad se redit.

HIC etiam observandum est, quemadmodum ventriculus maximum habet consensum cum reliquo corpore, idque variis modis afficit; sic, e contrario, varie etiam afficitur per affectiones aliarum corporis partium, praecipue vero ejus superficiei, cum haec, maximum sensus organum, plurimis gaudeat nervis, qui facile irritantur.

SANCTORIUS

12 DE LAVATIONE FRIGIDA.

SANCTORIUS observat, quantum animus et omnes internae actiones de statu superficiei corporis pendeant.

OMNES corporis partes vario modo tensione affici possunt, et multa occurrunt phaenomena quae sola ea explicari possunt. Dr WHYTT, in libro egregio De Morbis Nervosis, casum habet tussis convulsivae, quae corporis positu vel minime mutato, aut aqua frigida ei admota, inducebatur. Hunc vix aliter quam per tensionem explicari licet. Epispasticum corporis alicui parti impositum, statim stimulum toti communicat. Nonne verisimile videtur hoc tensione aucta fieri?

SAEPE videmus homines, alioquin debiles, ira excitatos, Herculeanos praestare labores; hoc vix aliter explicabile est, quam si profluvium nervosum augere tensionem dicatur. Homo onus aliquod tollere tentans, plenam facit inspirationem, quo muscoli tenduntur et vires augentur. Contra, terrore subito relaxatur corpus, et fortissimi aliter homines maxime fiunt debiles.

CREDITUR

CREDITUR vulgo pediluvium derivationem facere; nonne vero melius diceretur, actionem ejus in relaxatione, quae inde toti communicatur corpori, consistere? lavationem autem frigidam, contra, tensionem augendo agere. Novimus enim frigus et calorem effectus omnino contrarios edere.

CONCLUDERE igitur licet, tensionem in corpore necessario inesse, quae si vel rigiditate vel laxitate peccat, corpus in statu morbofo magis aut minus existeret. Hanc igitur solam nobis tractare licet, quoniam lavationes frigidae ei praecipue medentur.

LAXITATE augetur sensibilitas et irritabilitas corporis nostri. Infantibus enim et mulieribus, quibus laxa corpora sunt, systema nervosum irritabile est; adeoque plurimis morbis, vulgo *nervosi* dictis, afficiuntur, a quibus robustiores liberi evadunt. Raro robustum aliquem hysteria vel epilepsia laborare videmus, nisi in infantia eis laborarunt. Et remedia quae irritabilitatem hanc tollunt, plerumque etiam morbo medentur. Ven-

tres

14 DE LAVATIONE FRIGIDA.

tres musculorum, quia laxi, magis sunt sensibiles quam eorum tendines: Intestina magis quam arteriarum tunicae.

Ex dictis jam patebit quommodo lavatio frigida in solida viva agat; nempe, tensionem justam illis conciliando, id quod praestare videtur influxum fluidi nervosi aequabilem et justum promovendo. Exemplum hujus rei unum vel alterum rem perspicuam reddet. In deliquio animi, ubi laxitas esse videtur, liquor nervosus in organa vitalia minus influit, unde totum afficitur corpus; si vero vultus aqua frigida adspergitur, nervi stimulantur et excitantur, quo morbus plerumque tollitur. Ad hoc etiam facit casus, ab amico mihi narratus, viri qui erectionem, quam alias non habuit, colem aqua frigida conspergendo, excitavit.

Ex supra memoratis videre est, cur lavatio frigida ab omni tempore maximam laudem in morbis qui nervosi vulgo dicuntur consecuta sit. Item apparet quibus in morbis adhibenda, in quibus rejicienda sit. Ad alteram itaque propositi partem transeo.

DE LAVATIONE FRIGIDA. 15

In quibus morbis juvet noceatve lavatio frigida.

IN hysteria, epilepsia, aliisque hujusmodi morbis, ubi summa est mobilitas corporis, optimos effectus lavatio frigida edet. Mobilitas sive irritabilitas systematis nervosi saepissime causa horum morborum praedisponens est, qui a levissima saepe causa occasionali excitantur. Usus vero hujus remedii in malo hysterico inde conjicias, quod morbus hic in frigidis quam calidis regionibus rarius incidat, quodque hystericae hyeme et tempestate frigida, quam calida, melius sese habent. Hic autem monendum est, hypochondriacum, malum quod saepe cum hysterico confunditur, frigidarum potius quam calidarum esse morbum, et ubi incidit, corporis habitum adstrictius esse. Ob quam causam in eo minus valet lavatio frigida, nisi in solo malo hypochondriaco hysterico, qui morbus ex his duobus constare videtur, adhibeatur.

INFANTES saepissime epilepsia laborant, praesertim

16 DE LAVATIONE FRIGIDA.

praesertim si habitus corporis illis paulo laxior sit; iis itaque magnopere lavatio frigida convenit.

PARALYSIS oriri videtur a fluido nervoso in musculos influere prohibito. Cujus causa explicatu difficillima est; Quaecunque hunc motum nervosi fluidi restitunt, morbum tollunt. Illustris VAN SWIETEN exempla habet paralyticorum qui febre intermittente sanati sunt. Parique modo cum effectus lavationis frigidae febris intermittens paroxysmum simulent, hi optimum auxilium promittunt. De usu ejus vero in his morbis pulcherrimum habet exemplum D. BAYNARD, in appendice ad librum FLOYERI de Lavatione Frigida. Qui casus a D. BLAIR illi commemoratus est: Puer 13 annorum paraplegia correptus, variis adversus eam auxiliis frustra adhibitis, lavatione frigida aliquantum convaluit. Bono consilio D. PITCARNE puer cataractae aquae duodecim vel tredecim pedum saepius subjectus, pristinam sanitatem et alacritatem recuperavit. LE DRAN etiam duo
habet

habet exempla paralyſis feliciter curatae, aqua ex alto in partem adfectam infuſa.

MANIAM lavatione frigida ſaepe ſublataſſe, exempla apud VAN HELMONT, FLOYERUM, alioſque auctores, occurrunt.

DE cauſa proxima febrium intermittentium diu inter ſe litigarunt ÆSCULAPII filii, et adhuc ſub iudice lis eſt; noſtrum non eſt eam componere. Earum ſedes, ut nobis videtur, in ſyſtemate nervoſo eſt; auferuntur enim et inferuntur animi pathematibus; interdum apoplexiam, epilepſiam, necnon convulſionem et hyſteriam ſimulant. Cl. STÖRCK caſum hominis habet, quem forma amauroſis invaſit. Ill. SENAC ſaeminam memorat quam loquacitate petita eſt. Videtur in illis ſubefſe inertia fluidi nervoſi cum conſtrictione vaſorum ſuperficiiei corporis. Haec eodem modo ac frigus corpus noſtrum ſtimulat, qui effectus ſuos ad ſenſorium uſque commune prodit; magis vero apparet in corde et arteriis, quae ad frequentioreſ contractionem excitantur,

quo calor et sanguis superficiei iterum redduntur et constrictio solvitur. Quod omnino consentaneum est effectibus frigidae aquae corpori affusae. Magnus BOERHAAVIUS credidit, si quis primum tempus et primam causam febris superare posset, eum paroxysmum illum tollere posse. Si aliquid hoc praestari, lavatio frigida potest: Nec experientia contradicit. FLOYERUS enim et BAYNARD exempla habent febrium intermittantium, imo et quartanarum, hoc remedio sublatarum. Cl. DONALDUS MONRO retulit, ex D. MASON, febrem intermittentem, aegrotante in lacum nec opinanter conjecto, fuisse prorsus sublatam. HUXHAMMIUS, de Constitutione aëris, &c. vol. I. p. 25. haec habet verba: “Nec poenitendo utique effectū, tunc temporis balneum frigidum commendavi, praecipue convalescentibus ab intermittente revelli: ad fibrarum nempe tonum restituendum, et humores lentos comminuendos. Hinc didici tantum quantum potest tale remedium, ubi vix alia proficit

“proficit methodus, idque nonnunquam
 “in pertinace quartana: novum hoc for-
 “san et inauditum; mihi vero expertum.”

IN febre ardente GALENUS, AETIUS, et ALEXANDER TRALLIANUS hoc remedium laudant. Nec defunt exempla recentioribus temporibus de lavationis frigidae in febribus usu. CL. THOMAS WILLIS casum satis mirum nobis tradidit: Ancillam robustam febre laborantem, et summo delirio affectam, plurimis prius remediis frustra adhibitis, in fluvium conjicere, et per quartam horae partem in eo tenere, jussit; tunc vero exemptam lecto commisit, et cum sudor copiosus diffluxisset, illa curata est.

TISSOT, in libro de Febribus Biliosis, se hominem, cui abdomen maxime distentum erat, linteis in aquam frigidam immisissis, et externe applicatis, ad sanitatem reduxisse, testatur.

JOHANNES GOTTFRIED DE HAHN, in Actis Physico-medicis, vol. 10. append. p. 16. descripsit febrem epidemicam vernam, quae 1737 Uratislaviae grassata est,

contra

contra quam alia medicina nil valuit. Bono vero consilio lavationem frigidam tandem adhibuit, cui morbus feliciter cessit. Quin et ipse ejus usu ab hoc morbo liberatus est. Et JOHANNES SIEGESMUND HAHN, in libro, quem Germanica lingua conscripsit, de Aquae Frigidae Virtutibus, lavationes frigidas in febribus suadet; et, si vires aegri sufficiant, demittendum hominem in aquam, non alia ratione lavandum, judicavit. CHRISTIANUS FREDERICUS DANIEL, in libro, cui titulus *Beytraege Zur Medecinischen Gelaebrsamkeit*, Halle 1749 edito, lavationem frigidam in febribus malignis suadet; cujus usum confirmatum esse experimentis DE HAHN et Filii, dicit. Narrat etiam D. ALLION lavationem frigidam in delirio et febribus ardentibus adhibuisse.

NESCIO an huc etiam ratio pertineat, quam sylvestres Americani in febrium curatione observant, qui in hypocaustis ad sudorem calefaciunt aegrum, dein subito in fluvium conjiciunt. Cum vero hoc
fine

sine ullo iudicio in omnibus febribus et in omni statu febris promiscue faciant, facpius funesta mala inde oriuntur.

IN CEPHALALGIA, quae saepe, in opprobrium artis medicae, pertinax malum esse reperitur, ab omni antiquitate laudantur frigidae lavationes; et CELSUS "Capiti," ait, "nihil aequè prodest atque aqua frigida." DOCTOR BERGIUS, in tractatu de Lavatione Frigida, qui ante aliquot annos Suecice prodiit, virum misere cephalalgia chronica cruciatum esse, et cum setacea nuchae et innumera alia remedia frustra adhibita essent, frigida lavatione sanatum, nos docuit. Plura hujusmodi extant exempla apud FLOYERUM et BAYNARD; nec pauca in libro Cl. D. VICTORIN, de Ufu Fontis *Loka*, in Suecia, invenies.

IN RHEUMATISMO chronico utilissima est lavatio frigida. Novimus rheumatismum varias corporis partes tentare, et aliquando sub forma cephalalgiae, aliquando odontalgiae, invadere. Eadem in omni rheumatica affectione valet frigida lavatio,

tio, et saepe juvat postquam alia remedia nos fefellerunt.

IN ARTHRITIDE, a temporibus HIPPOCRATIS, laudata est. FLOYER et BAYNARD exempla hominum omnino claudorum hoc morbo eoque remedio sanatorum prodiderunt. Cl. BERGIUS et D. VICTORIN plurimos ejus bonos effectus adversus eundem morbum memorant. Et BARTHOLINUS, in tractatu De Ufu Nivis medico, Comitem Daniensem, arthritidem fugavisse, manus et pedes in aquam frigidam demittendo, testatur. Minus tamen tuto sub paroxysmum remedium hoc adhibetur, ne ad interiora morbus intropellatur, unde plurima mala nascerentur.

CALCULUS cum arthritide similitudinem habere videtur. In calculo renum frigidæ aquas corpori circumdatas bonum esse remedium plurimi experti sunt. MERCURIALIS dicit se a calculo renum liberatum esse lavatione frigida, in Arno fluvio prope Pisam. BERGIUS, in tractatu supra citato, casum prodidit quam ego in
medium

medium proferam. Nobilis faemina Suecica per viginti annos calculo renum laboravit, quo pessime se habuit; irritatione enim continua admodum mobile acquisivit systema nervosum. Vomitu interdum vexabatur, et stupor femoris aderat continuus, cum lumbagine vehementissima. Per septem annos potu et lavatione frigida usa est, quo omnia haec symptomata sublata sunt, et optima deinde sanitate usa est. Calculos parvos maxima copia cum urina excernebat; semperque dum lavatione usa est exacerbata sunt symptomata, et per sex hebdomadas pejorabantur; post id vero tempus mitescebant, et in proximam aestatem bene satis se habuit: aestate enim tantum hoc remedium adhibebat.

LAXITAS renum saepe causa praedisponens calculi esse videtur, vel saltem cito oriri postquam calculi gignuntur; quod hoc modo fieri videtur. Cum primum sabulum calculosum in renes deponitur, eos irritat, unde cum urina ejicitur. Haec irritatio saepius repetita, eos tandem

dem laxos reddit, quo fit ut illud ejicere non valeant. Hic itaque lavatio frigida magni erit; nam renes non modo cum reliquo corpore ea roborantur, sed tensionem illis praecipue conciliat, ob consensum quem cum summo corpore habent. Hinc sabuli collectio et concretio in illis praecavetur, et si quod collectum jam sit, ad illud ejiciendum stimulantur; si vero hoc non praestat, corpus tamen minus irritabile reddendo prodest.

INCONTINENTIA urinae a variis causis oriri potest. In illa specie quae debilitatem seu paralyfin sphincteris vesicae causam agnoscit, lavatio frigida plurimum valet; et dudum a PAULO AEGINETA contra hunc morbum laudata est.

IN suppressione urinae, quae ab ejus diuturna retentione oritur, a Cl. STEPHENSON laudatur. Rationem vero facile reddere possumus, si nobis concedatur, quod verisimile est, vesicam in hoc casu paralytice affectam esse.

IN pollutione nocturna, quae hypochondriasaepe comitatur, lavatio frigida a Cl.

TISSOT

TISSOT laudatur. Seminis etiam profluvium, nolente homine, quod a debilitate osculorum vesicularum seminalium oritur, hoc remedio sistitur.

IDEM in humoris mucosi ex urethra stillicidio, gonorrhoeam virulentam saepe excipiente, necnon ab aliis causis orto, optime medetur. In hoc morbo debilitas adest glandularum prostaticarum, necnon aliarum glandularum urethrae mucum secernentium; hinc quanti valet primo intuitu videbis.

IN COLICA lavatio frigida non spernenda est. BAYNARD narrat, mercatorem, qui misere colica cruciabatur, et ad summam maciem erat reductus, hujus medicinae ope sanitatem et pinguedinem pristinam recuperavisse.

IN alvo quam maxime adstricta, CL. STEVENSON exempla lavationis frigidae utilitatis, postquam plurima remedia nequicquam tentasset, memoriae prodidit.

QUI nimio vestium onere, et aliis utuntur modis corpus nimis calidum con-

D

servandi,

fervandi, opportuniore frigori, quam alii, sunt. Quo fit, ut plurimis morbis ex frigore oriundis corripiuntur; quales sunt catarrhus, tussis, otalgia, odontalgia, rheumatismus, febres intermittentes, pleuritis, et alii. Contra hunc corporis habitum frigida lavatio omnibus aliis remediis palmam facile praeripit.

BAYNARD nobis tradidit casum D. CYPRIANI, qui nimis vestibus corpus suum adeo frigoris sensibile reddidit, ut etiam media aestate plurimis vestibus obtectus iret, nec tamen liberum a morbis se servavit, quique aquae frigidae usu firmum corpus reddidit. Simile exemplum extat apud BERGIUM, viri qui a juventute caput mitra e pellibus confecta tegere consuevit; unde caput adeo tenerum evasit, ut ne minimum flatum venti, quamvis multiplice veste tectus, posset ferre, atque summo incommodo inde afficeretur; quem molestum corporis habitum lavatio frigida omnino sustulit.

INFANTUM morbos plurimos ab acido in primis viis oriri, multi et quidem gravissimi

viffimi viri contendunt; quam tamen sententiam amplecti vix possum. Si enim ab acido orirentur hi morbi, expulso acido tollerentur; sublata enim causa, tollitur effectus. Sed minime ita se habet; possumus enim omne, quod est in primis viis, acidum brevi magnesia albo, vel alio quodam pulvere absorbente, ejicere; neque eo tamen magis morbus tollitur. Mihi que videtur, causa plurimorum infantium morborum in laxitate solidorum vivorum consistere; et quaecunque hisce restituunt justam tensionem, etiam morbum tollere. Ad hoc lavatione frigida melius remedium vix invenies, quod et ratione et experientia confirmatur.

IN RACHITIDE, solidorum vivorum debilitas vasa periostei et cartilaginum ad materiem osseam deponenda inepta reddit. Lavatio vero frigida, corpus roborando et tensionem illi conciliando, causam auferit, et una cum ea morbum quoque tollit. FLOYERUS observat, rachitidem in Anglia primo apparuisse, cum infantes aqua frigida mergendi consuetudo defuisset.

Morbi

28 DE LAVATIONE FRIGIDA.

Morbi in quibus noceat frigida lavatio.

SUPRA diximus lavationem frigidam corpori tensionem conciliare, ideoque in laxitate utilem esse. Unde, e contrario, patebit, eandem in nimia corporis tensione et rigiditate nocere. Itaque HUXHAM-
US virum quendam, ex nimio frigidae lavationis usu, in multa mala incidisse, ab iisque per remedia corpori justam laxitatem reddentia liberatum esse, memorat.

CONTRA phthisin, morbum curatu difficillimum, lavationes frigidae, inter innumera alia remedia, adhibitae sunt, et, si fides auctoribus habenda est, non absque successu. A priori tamen eas in omni habitu phthisi opportuno nocere, vel ad minimum ancipites esse, haud dubitarem dicere. In habitu phthisico, haemoptoes, vel aliorum sanguinis profluviorum, periculum plerumque subest. Quam malum igitur eorum consilium est qui in tali casu ea adhibent, quae sanguinem majore

vi ad pulmones pellunt! Verum obijci nobis potest, contra experientiam non esse ratiocinandum. Liceat vero sententiam meam, summo quo decet pudore, in medium proferre: Plures legi casus vulgo pro vera phthisi pulmonali habitos, qui lavationibus frigidis curati fuisse dicuntur. Quos tamen vere phthificos fuisse magnopere dubito. Novimus eos qui malo hypochondriaco-hysterico laborent semper de pectore queri, et se phthisi affectos credere. Pectoris pressio sentitur, saepe difficultas spirandi est, cum tussicula phthificam simulante; nec raro febricula post cibos incidit. Ad haec etiam corporis macies, cum aliqua laxitate, accedit. In tali casu, lavatio frigida, et quidem optimo consilio, adhibita est. Eumque non solum aeger, sed et medicus, pro phthisi habuerunt. Cum vero nunc morborum discrimina notiora atque apertiora sint, illum phthisin non esse vix inficias eundum est.

QUAE de phthisi dicta sunt, eadem etiam de haemoptoe, et forsan de omni sanguinis

30 DE LAVATIONE FRIGIDA.

sanguinis profluvio, dicenda sunt. Quantum vero in his valeat aqua frigida parti admota, meum non est dicere. Nec de lavationis frigidae post vomitam pulmonum usu sermo hic est, neque, praestetne aliquando anceps quam nullum remedium adhibere, dicendum. Deque iis rebus iudicium prudenti medico permittendum est.

ITEM in omni inflammatione lavatio frigida nocet, circuitum sanguinis et tensionem in parte adfecta augendo.

HIC quoque licet observare, morbos inflammatorios robustiores, et corporum habitus strictiores, adgredi.

IN omni etiam plethora, cum summa cautela adhiberi debet frigida lavatio.

AB omni antiquitate, contra exanthemata laudatum est hoc remedium. Cuius utique in iis usus vix hodierna confirmatur experientia. Illustr. LINNAEUS, in Actis Stockholmiensibus, narrat, epilepsiam incolis Skaniae et Smolandiae endemiam fere esse, cuius causam in perniciosum istum morem infantum capita

Tinea

DE LAVATIONE FRIGIDA 31

Tinea laborantium frigido lavandi ponit.
Materiam enim acrem, corpore ejicien-
dam, sic ad interiora pelli arbitratur. Nec
dubitandum est, quin ab exanthematibus
repulsis plurima mala oriantur, ut quoti-
diana experientia docet.

F I N I S.

DE LAVATIONE FRIGIDA 31

Tunc si periculum non sit de lavando periculis
Maxime enim, necesse, corpore frigido
dare, ut ad interiora perire possint. Nec
frigiditas est, quia ad exanthematicum
replebitur, etiam si sit, ut quod
dant experimentis de ore

7

FINIS

